

**KANTONALNA
PRIVREDNA
KOMORA TUZLA**

**BROJ 1-3/25,
januar - mart
2025. godine**



KOMORSKI INFORMATOR



**KANTONALNA PRIVREDNA KOMORA TUZLA
CHAMBER OF ECONOMY OF TUZLA CANTON
KANTONALE WIRTSCHAFTSKAMMER TUZLA**

POSLOVNA OČEKIVANJA 2025

TUZLA, FEBRUAR 2025



**URUČENA UVJERENJA
51 MENTORU PRAKTIČNE
NASTAVE**



**„MEĐUSEKTORSKO
PARTNERSTVO ZA
LJUDSKA PRAVA I RODNU
RAVNOPRAVNOST NA
TRŽIŠTU RADA“**



**ŠEST PRIVREDNIH KOMORA
TRAŽE HITNE IZMJENE
ODLUKE O MINIMALNOJ
PLATI U FBiH**



**POSLOVNA OČEKIVANJA U
2025. GODINI**

Komorski informator

Uvod

Poštovani čitaoci!



I u prvim mjesecima 2025. godine u fokusu su bile aktivnosti na realizaciji dvogodišnjeg projekta „Unapređenje okvira za integraciju dualno organizovanog obrazovanja u Tuzlanskom kantonu“ koji za cilj ima unapređenje saradnje škola za srednje stručno obrazovanje i obuku i poslovnih subjekata u Tuzlanskom kantonu i sistemski pristup za uvođenje elemenata dualno organizovanog obrazovanja. Realizovana je treća obuka Mentora praktične nastave kod poslovnih subjekata u Tuzlanskom kantonu. Obuku su zajednički realizovali Pedagoški zavod i Komora i učestvovalo je 38 polaznika. Cilj obuke je stvoriti što veću bazu mentora za rad sa učenicima u privredi, osposobiti mentore u dijelu pedagoško-didaktičkih kompetencija, a istovremeno unaprijediti kvalitet praktične nastave generalno. Na kraju, održana je svečana dodjela Uvjerjenja o uspješno završenoj obuci mentora praktične nastave za 51 polaznika iz poslovnih subjekata Tuzlanskog kantona.

Kada su u pitanju projekti koje realizuje Kantonalna privredna komora Tuzla, značajne su i aktivnosti u okviru projekta „Međusektorsko partnerstvo za ljudska prava i rodnu ravnopravnost na tržištu rada“. Odabrani su partneri u projektu, održana je konferencija za novinare gdje se predstavio projekat, Kantonalna privredna komora Tuzla i Udruženje žena Romkinja “Bolja budućnost” Tuzla kao nosioci projekta potpisali su sporazume o saradnji sa firmama „Lukavac cement“ i „Solana“ Tuzla kao učesnicima u projektu.

Bilježimo u prvom kvartalu i niz posjeta, sastanaka, semianra, donosimo informaciju sa redovnog godišnjeg druženja sa predstavnicima sredstava informisanja. Značajan je i broj firmi koje su u periodu koji obuhvata ovo izdanje Komorskog informatora, pristupile u članstvo Komore.

Sajamske aktivnosti su, sada već po tradiciji, otvorene nastupom na Sajmu turizma u Beogradu a u planu je niz sajamskih aktivnosti na kojim se planira nastupiti prije pauze za ljetne odmone kada i sajamska industrija malo uspori, bar kada su u pitanju sajmovi na kojima se pojavljuje Komora sa svojim članicama. Kako često znamo naglasiti, konstanta i prepoznatljivost Kantonalne privredne komore Tuzla jesu sajamske aktivnosti u Bosni i Hercegovini i regionu.

Na kraju, preporučujemo da pogledate i rezultate ankete. Naime, kao i prethodnih godina, Kantonalna privredna komora Tuzla je u januaru prikupljala podatke o izazovima u poslovanju i očekivanjima privrednika u Tuzlanskom kantonu za 2025. godinu. Kompletna analiza podataka dobijenih anketiranjem privrednika prezentovana su na konferenciji za medije u Komori.

Još jedno sadržajno izdanje Komorskog informatora.

Dino Kalesić
gl. i odg. urednik





Komorski informator

Sadržaj

**KANTONALNA
PRIVREDNA
KOMORA TUZLA**

**KOMORSKI INFORMATOR
BROJ 1-3/25,**
januar - mart
2025. godine

IZDAVAČKI SAVJET:
Nedret Kikanović
Almir Mešić
Edina Kurtić
Suad Selimović

REDAKCIJSKI KOLEGIJ:
Nedret Kikanović
Almir Mešić
Edina Kurtić
Suad Selimović

IZDAVAČ:
Kantonalna privredna
komora Tuzla

GL. I ODGOVORNI UREDNIK:
Dino Kalesić

**TEHNIČKA PRIPREMA,
REPRO I ŠTAMPA:**
GRIN d.o.o. Gračanica

ZA ŠTAMPARIJU:
Mirnes Salihović, direktor

TIRAŽ:
500 primjeraka.

ADRESA:
Trg slobode bb
e-mail: kpktz.ba@bih.net.ba
<http://www.kpktz.ba>

	Analiza privrednih kretanja u 2024. godini	4 i 5
	Završena obuka i za treću grupu mentora	6
	Uručena uvjerenja 51 mentoru praktične nastave	6
	Obuka mentora praktične nastave u poslovnim subjektima	7
	„Međusektorsko partnerstvo za ljudska prava i rodnu ravnopravnost na tržištu rada“	8
	Lugavić i Kikanović o unaprjeđenju privrednog ambijenta	9
	Šest privrednih komora traže hitne izmjene odluke o minimalnoj plati u FBiH	9
	Delegacija Komore u posjeti načelniku Općine Kladanj	10
	Delegacija Komore u posjeti načelniku Općine Kalesija	11
	Poslovna očekivanja u 2025. godini	12 i 13
	Posjeta JU Veterinarski zavod TK	14
	Carine, porijeklo i carinska tarifa u 2025. godini	15
	„Privreda TK“ na 46. sajmu turizma u Beogradu	17
	Novo članice Komore	19 i 20
	Otvoren novi proizvodni pogon kompanije Lović & Co	21
	Ohrabrujući podaci o proizvodnji slane vode	21
	Regionalni centar Sparkasse Banke u Tuzli u novom izdanju	22



Press konferencija u Komori...

Analiza privrednih kretanja u 2024. godini

Tradicionalno godišnje druženje sa predstavnicima sredstava informisanja



U Kantonalnoj privrednoj komori Tuzla se na tradicionalnom godišnjem druženju sa predstavnicima sredstava informisanja govorilo o stanju privrede u 2024. godini, izazovima s kojima smo se suočili i projektima koji nas očekuju u narednoj godini. Kako je istakao Nedret Kikanović predsjednik Komore, prema podacima za prvih devet mjeseci ove godine, privreda Tuzlanskog kantona bilježi određene oscilacije koje odražavaju kako globalne, tako i lokalne ekonomske trendove. Industrijska proizvodnja zabilježila je pad od 6,4% u odnosu na isti period prošle godine.

“Ovaj pad je prvenstveno rezultat smanjenja obima proizvodnje u prerađivačkoj industriji, koja bilježi pad od 7,8%, i sektoru proizvodnje i snabdijevanja električnom energijom, gdje je zabilježen pad od 5,8%. S druge strane, pozitivne pomake bilježimo u oblasti vađenja ruda i kamena, koja je zabilježila rast od 8,3%. Na polju vanjske trgovine, ukupni izvoz Tuzlanskog kantona za devet mjeseci 2024. godine iznosio je 1,705,7 miliona KM, što predstavlja pad od 12,7% u odnosu na isti period prošle godine. Istovremeno, uvoz je iznosio 2,123,3 miliona KM, što predstavlja blagi pad od 1,5%. Vanjskotrgovinski deficit iznosi 417,6 miliona KM, dok je pokrivenost uvoza izvozom 80,3%. Dominantni izvozni sektori ostaju mašinska i hemijska industrija, dok su naši najvažniji vanjskotrgovinski partneri Austrija i Njemačka”, istakao je Kikanović.

Stanje privrede odraz je šire ekonomske situacije u Evropi, naročito u Njemačkoj, koja je jedno od glavnih tržišta za proizvode iz Tuzlanskog kantona rečeno je u Komori. Globalna ekonomska kriza, rastuće cijene energenata i neizvjesnost na lokalnom nivou dodatno opterećuju poslovno okruženje. Ključni izazovi s kojima se suočavamo uključuju fiskalne politike, nedostatak radne snage i potrebu za povećanjem konkurentnosti domaćih proizvoda, istakao je Kikanović i dodao: **“Ovi izazovi također otvaraju prilike. Globalna tranzicija ka zelenoj ekonomiji i digitalizaciji može biti šansa za naše privrednike. Tuzlanski kanton ima potencijale u obnovljivim izvorima energije i digitalnom sektoru, koje trebamo dodatno razvijati”**.



Značajan projekat sa GIZ-om

Kada su u pitanju projekti realizovani u 2024. godini, istaknuta je jedna od ključnih aktivnosti a to je bio razvoj srednjeg stručnog obrazovanja.

“U saradnji s GIZ-om, Vladom Njemačke i Švicarske, Ministarstvom obrazovanja TK i Pedagoškim zavodom, uveli smo programe unapređenja praktične nastave kod poslovnih subjekata. Do sada smo obuku prošli s dvije grupe mentora, ukupno 40 osoba, dok u januaru planiramo obuku treće grupe”, rekao je predsjednik Kikanović. Govoreći o planovima za 2025. godinu naglasio je da su očekivanja u smjeru povećanja broja mentora, kako bismo privrednicima pomogli u obrazovanju budućih kadrova.

Značajne aktivnosti, kao i prethodnih nekoliko godina, vođene su na polju promocije privrede TK na sajamskim manifestacijama. “Sektor usluga zabilježio je značajne uspjehe u 2024. godini, naročito kroz sajamske aktivnosti.



Brojne sajamske aktivnosti tokom godine

Na 14 sajamskih manifestacija u BiH i regionu, predstavljeno je više od 50 kompanija članica Komore, pri čemu su izložbeni prostori za većinu njih bili obezbijeđeni besplatno. Plan za 2025. godinu uključuje nastupe na sajmovima u Beogradu, Zagrebu, Poreču i Novom Sadu, uz pokušaj povratka na sajmove u Budvi, Osijeku i Splitu”, najavio je Kikanović.

Energetski sektor takođe bilježi pozitivne rezultate, rečeno je u obraćanju medijima. “U 2024. godini, rudnici na području Tuzlanskog kantona povećali su proizvodnju za više od 10,8% u odnosu na prošlu godinu. U narednoj godini planirana su dodatna ulaganja u modernizaciju rudnika i poboljšanje uvjeta rada rudara, s ciljem povećanja proizvodnje i održanja stabilnosti elektroenergetskog sektora. Metaloprerađivački sektor dobio je podršku kroz odluku Vlade Federacije BiH o izradi Strategije razvoja metalnog i elektro sektora za period 2026–2035. Ova strategija će doprinijeti definiranju ciljeva i pravaca razvoja industrije, što će se direktno odraziti i na Tuzlanski kanton. Komora aktivno sudjeluje u modernizaciji nastavnih planova i programa, s naglaskom na zanimanja poput rukovaoca mašina za obradu metala. Takođe, važno je spomenuti našu ulogu u projektu “Medusektorsko partnerstvo za ljudska prava i rodnu ravnopravnost na tržištu rada”, koji realiziramo uz podršku Evropske unije. Cilj projekta je smanjenje diskriminacije žena na tržištu rada i promocija socijalnih i ekonomskih prava”, pojasnio je predsjednik Kikanović.



Finansira
Evropska unija



KANTONALNA PRIVREDNA KOMORA TUZLA
THE CHAMBER OF ECONOMY OF TUZLA KANTON
KANTONALE WIRTSCHAFTSKAMMER TUZLA



Značajan projekat sa fondacijom Infohouse

Nezaobilazna tema bila je i poljoprivreda: “Početak 2024. godine, naročito mjeseci januar, februar i mart, obilježeni su kao period edukacije poljoprivrednika o tehnologijama proizvodnje i upravljanja poljoprivrednim procesima. Težište edukacija bilo je na prevazilaženju utjecaja ekstremnih vremenskih prilika i klimatskih promjena, koje sve više pogađaju poljoprivrednu proizvodnju u Tuzlanskom kantonu. Ove promjene imaju značajan utjecaj na obim proizvodnje hrane, stabilnost i održivost poljoprivrednih gazdinstava i porodica poljoprivrednika. Tokom ovog perioda, urađeno je i istraživanje u pčelarskom sektoru o starosnoj strukturi pčelara, tehnologijama koje koriste i preprekama koje limitiraju proizvodnju meda u našem kantonu. Rezultati istraživanja pokazali su da je prosječna starost pčelara 61 godina, a 75% pčelara je starije od 50 godina. Više od polovine pčelara nema nasljednike, dok samo 20% njih profesionalno pčelari. U saradnji s Kantonalnim ministarstvom poljoprivrede, Vladom i Skupštinom TK-a, izmijenjen je Zakon o novčanim podrškama i ruralnom razvoju. Ove izmjene omogućavaju kontinuirano subvencioniranje proizvodnje kravljeg mlijeka, pčelarstva i proizvodnje pilećeg mesa, koje su od strateškog značaja za naš kanton. U ljetnim mjesecima suočili smo se s ekstremnim temperaturama koje su dodatno otežale poljoprivrednu proizvodnju. Zabilježen je značajan pad proizvodnje krastavca kornišona, dok je nedostatak radne snage i tehnološka zastarjelost opreme dodatno uticala na pad obima proizvodnje hrane. O ovim problemima raspravljalo se na Prvom poljoprivrednom forumu TK-a, održanom početkom ovog mjeseca”, rečeno je na skupu.

Na kraju, zaključak je da su pred nama izazovna, ali i puna potencijala vremena. “Tuzlanski kanton ima resurse, znanje i ljude koji mogu odgovoriti na globalne promjene i lokalne izazove. Ključ uspjeha leži u saradnji – između privrede, obrazovanja i javnog sektora. Pozivam sve privrednike, institucije i pojedince da se uključe u projekte Komore i zajedno radimo na jačanju naše ekonomije”, zaključio je Nedret Kikanović predsjednik Kantonalne privredne komore Tuzla i poželio uspješnu 2025. godinu svim predstavnicima sredstava informisanja i nastavak saradnje na obostrano zadovoljstvo.

D.K.



„Unapređenje okvira za implementaciju dualno organizovanog obrazovanja u Tuzlanskom kantonu“...

Završena obuka i za treću grupu mentora

Obuku zajednički realizovali Pedagoški zavod i Kantonalna privredna komora Tuzla



Nakon što su u periodu novembar/decembar 2024. godine, realizovane su dvije obuke Mentora praktične nastave kod poslovnih subjekata u Tuzlanskom kantonu. Obuku su zajednički realizovali Pedagoški zavod i Komora, u januaru je i treća grupa mentora praktične nastave završila trodnevnu obuku u Komori. kao što se i ranije isticalo, cilj je unaprijediti kvalitet praktične nastave kod poslovnih subjekata. Aktivnost se realizuje u okviru projekta „Unapređenje okvira za integraciju dualno organizovanog obrazovanja u Tuzlanskom kantonu“ sa Deutsche Gesellschaft für Internationale Zusammenarbeit (GIZ) GmbH, u okviru projekta „Održivi ekonomski razvoj i promocija zapošljavanja u Bosni i Hercegovini“ koji finansiraju Vlada SR Njemačke (BMZ) i Vlada Švicarske.

Uručena uvjerenja 51 mentoru praktične nastave

Obučeni prvi mentori praktične nastave u Tuzlanskom kantonu



U Kantonalnoj privrednoj komori Tuzla je održana svečana dodjela Uvjerenja o uspješno završenoj obuci mentora praktične nastave za 51 polaznika iz poslovnih subjekata

Tuzlanskog kantona. U periodu od novembra 2024. do januara 2025. godine održane su tri obuke koje u saradnji provode Pedagoški zavod Tuzlanskog kantona i Kantonalna privredna komora Tuzla. Cilj obuka je da mentori steknu dodatna znanja i vještine iz pedagoške i metodičke oblasti kako bi u radu sa učenicima bili što uspješniji. Uvjerena prisutnim polaznicima su uručili Ahmed Omerović Ministar obrazovanja i nauke TK, Izet Numanović direktor pedagoškog zavoda Tuzlanskog kantona i Nedret Kikanović predsjednik Kantonalne privredne komore Tuzla. Istakli su prilikom svečane dodjele i značaj saradnje ove tri institucije na unapređenju realizacije praktične nastave kroz obuku mentora. Učesnici obuke su se složili da je obuka bila izuzetno korisna, posebno u segmentima pristupa mentora učeniku i metodama rada sa učenicima, te su istakli da će im stečena znanja koristiti u realizaciji praktične nastave u njihovim poslovnim subjektima.

„Cilj nam je stvoriti što veću bazu mentora za rad sa učenicima u privredi, osposobiti mentore u dijelu pedagoško-didaktičkih kompetencija, a istovremeno unaprijediti kvalitet praktične nastave generalno. Obučeni mentori će značajno doprinijeti unapređenju kvaliteta praktične nastave, a time i učeničkih kompetencija neophodnih u savremenim procesima rada“, rekao je Nedret Kikanović predsjednik Komore. Ministar Omerović je izrazio svoje zadovoljstvo zbog interesa koji su poslovni subjekti iskazali za obuku mentora i istakao da samo zajednički možemo raditi na ekonomskom razvoju i poboljšanju kvaliteta života u našem kantonu, a kvalitetno obrazovanje je jedan od ključnih elemenata u tom procesu. Ovim povodom, Ministar Omerović je i zvanično potpisao javno važeći program za obuku master mentora, čime je zaokružen čitav proces obuke mentora. Direktor Pedagoškog zavoda, g. Numanović se zahvalio master mentorima koji su proveli obuku mentora i istakao da je ovo značajan korak u unapređenju realizacije praktične nastave. **„Želja nam je osigurati kvalitetnu praktičnu nastavu, uključiti što veći broj poslovnih subjekata i obezbijediti da svaki učenik ima priliku učiti na savremenim mašinama, od najboljih majstora, sticati radne navike koje su značajne za formiranje kvalitetnog, mladog radnika“**, istakla je Edina Kurtić projekt menadžer projekta „Unapređenje okvira za implementaciju dualno organizovanog obrazovanja u Tuzlanskom kantonu“ u okviru kojeg su realizovane ove aktivnosti.

Obuke mentora će biti nastavljene i u 2025. godini kroz realizaciju projekta, u partnerstvu sa Deutsche Gesellschaft für Internationale Zusammenarbeit (GIZ) GmbH, u okviru projekta „Održivi ekonomski razvoj i promocija zapošljavanja u Bosni i Hercegovini“ kojeg sufinansiraju Evropska unija, Vlada SR Njemačke (BMZ) i Vlada Švicarske.

Pripremila: Edina Kurtić,
rukovodilac Sektora udruženja



Poziv za prijavu kandidata...

Obuka mentora praktične nastave u poslovnim subjektima

„Unapređenje i promocija dualno organizovanog obrazovanja u Tuzlanskom kantonu“



Kantonalna privredna komora Tuzla poziva sve zainteresovane poslovne subjekte da prijave kandidate za četvrtu grupu za

“Obuku mentora praktične nastave u poslovnim subjektima”.

Obuka se realizuje u saradnji sa Pedagoškim zavodom Tuzlanskog kantona.

Trajanje obuke je 40 sati realizovat će se kroz trodnevnu obuku u učionici i samostalno učenje polaznika. Obuka je osmišljena tako da razvija osnovne kompetencije za rad sa učenicima.

Polaznici obuke moraju ispunjavati sljedeće uslove:

- da je u radnom odnosu kod poslovnog subjekta ili samostalno obavlja djelatnost, odnosno obrtnik ili njegov zaposlenik;
- da ima minimalno III ili IV stepen obrazovanja i radno iskustvo u struci u profilu za koji se učenici obrazuju u trajanju od najmanje pet godina ili minimalno V stepen obrazovanja i radno iskustvo u struci u profilu za koji se učenici obrazuju u trajanju od najmanje tri godine;
- da nije pravosnažnom presudom osuđivan na kaznu zatvora za krivično djelo protiv ustavnog poretka, protiv čovječnosti i međunarodnog prava, protiv života i tijela, protiv spolne slobode i morala, protiv braka i porodice, protiv zdravlja ljudi, protiv javnog reda i pravnog prometa, podmićivanja ili krivično djelo protiv službene ili druge odgovorne funkcije osim ako je nastupila rehabilitacija po posebnom zakonu.

NAPOMENA:

Obuka je besplatna a broj mjesta u grupi je ograničen i prednost će imati kandidati po datumu prijema prijave.

Kantonalna privredna komora Tuzla je kroz realizaciju projekta „Unapređenje i promocija dualno organizovanog obrazovanja u Tuzlanskom kantonu“ kojeg realizira na osnovu ugovora o lokalnoj subvenciji, a koji se provodi se u okviru programa „Održivi ekonomski razvoj i promocija zapošljavanja u Bosni i Hercegovini“ (SEDEP), kojeg sufinansiraju Vlada SR Njemačke (BMZ) i Vlada Švicarske, a provodi GIZ.

Sve dodatne informacije možete dobiti putem e-mail adrese edina@kpktz.ba



Press konferencija u Komori...

Međusektorsko partnerstvo za ljudska prava i rodnu ravnopravnost na tržištu rada

Potpisanim sporazumima o saradnji označen početak projekta



U Kantonalnoj privrednoj komori Tuzla, održana je konferencija za novinare a u povodu početka projekta „Međusektorsko partnerstvo za ljudska prava i rodnu ravnopravnost na tržištu rada“. Potpisanim sporazumima o saradnji označen je početak projekta koji provode fondacije Infohous i Lara, a finansira Evropska unija.

Za partnere u provedbi projekta na području Tuzle izabrani su Kantonalna privredna komora Tuzla i Udruženje žena Romkinja „Bolja budućnost“ Tuzla. Cilj projekta je smanjenje diskriminacije radnika, prvenstveno žena, na tržištu rada, kroz promoviranje i zaštitu ekonomsko-socijalnih prava i jačanje procesa EU integracija. Projekt traje već dvije godine i do sada je u njega uključeno osam bosanskohercegovačkih firmi u kojima su već izvršena istraživanja koja su pokazala da je 54% ispitanica doživjelo neki vid verbalnog ili neverbalnog pritiska, te da je uglavnom riječ o mobingu, a da je seksualno uznemiravanje na radnom mjestu zastupljeno s 20%. Također, potvrdilo se i da su žene za isti posao značajno manje plaćene od svojih kolega.

“Imamo stručnjake koji će raditi dubinsku analizu o pravilnicima o radu, gdje ćemo skupa s rukovodstvom firme pokušati dogovoriti o izmjenama ili nadopuniti ono što će koristiti radnicima”, kaže Zafir Šišić, koordinator projekta u Fondaciji INFOHOUSE Sarajevo.

Partner u projektu na području TK-a je Kantonalna privredna komora Tuzla, a u prvoj fazi odabrane su dvije velike firme.

“Izuzetno smo uzbuđeni i opredijeljeni da u okviru ovog projekta na raspolaganje stavimo sve svoje resurse i unaprijedimo sve svoje procese na način da prvenstveno naši zaposlenici budu upoznati sa svim pravima i možda još nekim dodatnim mogućnostima, kako mogu što bolje prepoznati bilo koji oblik diskriminacije”, istakla je Meliha Rizvić, izvršna direktorica za ljudske resurse, pravo i usklađenost u Solani Tuzla firmi koju je Komora izabrala za provedbu projekta. Udrženje “Bolja budućnost” se odlučilo za Lukavac cement, dakle, u projektu su dvija značajna privredna subjekta ne samo za Bosnu i Hercegovinu nego za širi region.

“Lukavac cement je kao društveno odgovorna kompanija prepoznala važnost stvaranja radnog okruženja u kojem su stvorene prilike za jednak rast i razvoj svih uposlenih bez ikakve diskriminacije i uznemiravanja. Radujemo se implementaciji dodatnih stavki u naše interne akte za postizanje radnog okruženja u kojem će svi imati jednaku priliku za rast i razvoj”, kazala je Erna Mehmedović, menadžerica za ljudske resurse, pravo i usklađenost u Lukavac Cementu.



“S obzirom na to da su izvozno orijentirani, da izlaze u zemlje EU, ovo će biti vrlo značajni dijelovi pravilnika i ono što će oni ugraditi u svoje pravilnike biće od velikog značaja sutra kada to postane i određena obaveza koju će postaviti EU. Aktivnostima u okviru projekta se želi doprinijeti smanjenju diskriminacije žena na tržištu rada promovišući i štiteći ekonomska i socijalna prava žena i jačajući proces EU integracija. Akcenat je na prevenciji diskriminacije u radnom odnosu u privrednim subjektima, sa naglaskom na ekonomska i socijalna prava žena, edukaciji iz oblasti njihovih zakonskih obaveza za zaštitu ljudskih prava na radnom mjestu te kreiranju sigurnog i pozitivnog radnog okruženja, sa naglaskom na ekonomska i socijalna prava žena na tržištu rada u Bosni i Hercegovini”, izjavio je Dino Kalesić, rukovodilac projekta u Kantonalnoj privrednoj komori Tuzla.

Indira Bajramović direktorica Udruženja žena Romkinja Bolja budućnost je na konferenciji za medije također govorila o značaju projekta: “Jako mali broj Romkinja je zaposlen i one su uglavnom čistačice, tako da se doživljava neki vid diskriminacije. Uglavnom su to otvoreni vidovi diskriminacije, vrijeđanje na nacionalnoj osnovi, ali kako ovaj projekat govori globalno, a mi saradujemo i s drugim organizacijama koje nisu romske, očekujemo je da će ove naše aktivnosti i ovaj projekat se replicirati i u druge opštine i druge gradove u našem kantonu”, zaključila je direktorica Bajramović.

D.K.



Saradnje Komore i Gradske uprave...

Lugavić i Kikanović o unaprjeđenju privrednog ambijenta

Gradonačelnik Lugavić i direktor Kantonalne privredne komore Tuzla razmotrili mogućnosti za unaprjeđenje privrednog i ekonomskog ambijenta



Zijad Lugavić gradonačelnik Tuzle je u Gradskoj upravi primio Nedreta Kikanovića predsjednika Kantonalne privredne komore Tuzla. Sastanak je bio prilika za razmjenu mišljenja o mogućnostima za jaču saradnju i zajedničke projekte koji bi doprinijeli unaprjeđenju privrednog sektora i daljem razvoju grada Tuzle. Tokom razgovora, obostrano je naglašena važnost zajedničkog djelovanja na podršci lokalnoj privredi. Fokusirali su se na inicijative koje bi omogućile bolju saradnju između Gradske uprave i Kantonalne privredne komore, te razmotrili konkretne projekte koji bi unaprijedili poslovno okruženje u Tuzli. Gradonačelnik Lugavić istakao je opredjeljenje Gradske uprave za dalju podršku privredi, naglašavajući važnost zajedničkog djelovanja s Kantonalnom privrednom komorom na implementaciji novih inicijativa i poboljšanju poslovnog okruženja.

Reakcija šest privrednih komora...

Šest privrednih komora traže hitne izmjene odluke o minimalnoj plati u FBiH

Sastanci sa organima i članicama



Komore su tokom perioda donošenja odluke o minimalnoj plati u FBiH i burnih reakcija po tom pitanju, organizirale sastanke sa svojim organima i članicama, na kojima su analizirane posljedice odluke. Zbog nedavne odluke Vlade Federacije Bosne i Hercegovine o iznosu i načinu isplate minimalne plate za 2025. godinu, šest privrednih komora kantona i županija pozvale su Vladu na hitne izmjene ove odluke. Naime, komore smatraju da bi trenutni model mogao imati ozbiljan negativan uticaj na poslovanje, te zahtijevaju da se donesene mjere usmjere ka očuvanju stabilnosti privrede. Komore su tokom protekle sedmice organizirale sastanke sa svojim organima i članicama, na kojima su analizirane posljedice odluke, a s ciljem pronalaska zajedničkih rješenja. Zaključci sa tih sastanaka ukazuju na potrebu

za izmjenama odluke o minimalnoj plati, kako bi oporezivi dio minimalne plate ostao na nivou iz 2024. godine, dok bi iznos iznad tog nivoa bio neoporeziv. Komore također traže da taj iznos ne bude uključen u osnovicu za obračun prosječne plate u Federaciji BiH. U slučaju da Vlada FBiH ne bude spremna na izmjenu ove odluke, komore su pozvale Parlament FBiH da donese akt kojim bi postojeća odluka bila stavljena van snage i usvojena nova, koja bi bila u skladu s njihovim prijedlozima. "Traži se od Vlade FBiH da najkasnije do 17. januara izmijeni Odluku o minimalnoj plati tako da oporezivi dio minimalne plate ostane na nivou iz 2024. godine, dok iznos preko tog iznosa bude neoporeziv i da se taj iznos ne računa u osnovicu za obračun prosječne plate FBiH. Ukoliko Vlada odbije izmjenu Odluke o minimalnoj plati, pozvat će se Parlament da donese akt kojim će postojeća Odluka biti stavljena van snage, te usvojiti novu Odluku u skladu s prvim zaključkom. Traži se od Vlade FBiH da, po hitnom postupku, u parlamentarnu proceduru uputi set reformskih fiskalnih zakona s rokom usvajanja do kraja februara", zaključili su. Kako je odluka u ovakvom obliku donesena bez prethodne najave koja bi privrednicima pružila mogućnost blagovremene pripreme i prilagodbe njihovog poslovanja u 2025. godini, privredne komore pozivaju Vladu FBiH da uzme u obzir i uvaži gore navedene zahtjeve. Zahtjev su uputile Privredna komora Kantona Sarajevo, Zeničko-dobojskog kantona, Unsko-sanskog kantona, BPK Goražde, Kantonalna privredna komora Tuzla i Gospodarska komora Županije Posavske.

D.K.



Iz Udruženja za poljoprivredu i prehrambenu industriju... Delegacija Komore u posjeti načelniku Općine Kladanj

Dogovor o formiranju Zadruge u Kladnju



U okviru Sporazuma o saradnji koji su potpisali Općina Kladanj i Kantonalna privredna komora Tuzla, potrebno je pristupiti i pokretanju određenih aktivnosti, jačanju saradnje, poduzimanju konkretnih poteza koji mogu doprinijeti razvoju privrede na području općine Kladanj. Tim povodom, upriličen je sastanak kod Edisa Šarića načelnika Općine Kladanj. Sa svojim saradnicima dočekao je delegaciju Kantonalne privredne komore Tuzla predvođenu Nedretom Kikanovićem predsjednikom Komore.

Održan je radni sastanak sa konkretnim ishodom, sa dogovorom i zaključkom da se u što kraćem roku pristupi oživljavanju zadrugarstva u Kladnju, formiranju Poljoprivredne zadruga. Posao je to koji već u drugim općinama i gradovima Tuzlanskog kantona a sve u okviru sporazuma koje Komora ima sa gradovima i općinama, realizuje Suad Selimović sekretar Udruženja za poljoprivredu i prehrambenu industriju Kantonalne privrede komore Tuzla.

“Kladanj je jedna od većih općina na području TK i drago mi je da postoji raspoloženje da se iskoriste izuzetno veliki privredni resursi. Tu posebno mislim na resurse u poljoprivrednoj proizvodnji, proizvodnji eko hrane, aktivnosti vezane za boravak u prirodi, na svježem vazduhu itd. Zaključili smo da je neophodno postojanje jedne komercijalne organizacije u Kladnju koja će organizovati poljoprivrednike sa malim proizvodnjama a istovremeno jako vrijednim i kvalitetnim proizvodima, uglavnom u kućnoj radinosti. Želimo ih organizovati, biti produžena ruka, distributivni kanal, edukovati da standardizuju proizvodnju, da postignu zadovoljavajući kvalitet a sve pod kontrolom i da to sve kvalitetnom promoviramo. Način je formiranje Zadruga u koju će ući zadrugari koji žele da se edukuju o novim tehnologijama, da konkurišu na razne fondove za sredstva i podrške iz više izvora. Za sada je povlačenje sredstava za ove namjene vrlo skromno a znamo da postoji kapacitet da to bude mnogo više, počev od fonda iz Vlade TK pa dalje. Putem Zadruga će poljoprivrednici dobiti informacije, ostvariti svoja prava, imati osobu koja će pomoći sa procedurama”, pojasnio je Selimović namjene i ciljeve načelniku i njegovim saradnicima.

I očekuje se što skorije formiranje zemljoradničke zadruga na području općine Kladanj.



“Jako sam zahvalan na posjeti delegacije Komore i zadovoljan predloženim idejama vezanim za formiranje Zadruga. Pokrećemo inicijativu, naše službe i Komora u saradnji sa našim poljoprivrednim proizvođačima trebaju u što kraćem roku pokrenuti aktivnosti na registracije Zadruga. Poslije ćemo vršiti prezentaciju ciljeva, raditi na unaprijeđenju proizvodnje, poboljšanju statusa stanovnika”, zadovoljan je načelnik Šarić. Iskoristio je priliku i delegaciji Komore prezentirao kompletnu privrednu sliku općine Kladanj sa akcentom na neophodnost privlačenja investicija. Dogovorena je saradnja i na tom planu i narednih dana će iz Općine Kladanj u Komoru stići informacije o ljudskim resursima, idejama, prostornim kapacitetima koje se u redovnim komorskim aktivnostima mogu prezentovati potencijalnim investitorima.

“Značajan je ovo bio sastanak. Zadovoljni smo zaključcima i dogovorenim narednim koracima. Zadatak nam je i zadovoljstvo da svim delegacijama i privrednicima s kojima ostvarimo kontakte u narednom periodu prezentujemo to što Kladanj ima, ponudimo im mogućnosti investiranja na ovom prostoru. Želimo da Kladanj predstavljamo i na sajamskim manifestacijama na kojima prezentujemo privredu Tuzlanskog kantona”, istakao je predsjednik Kikanović.

D.K.



Iz Udruženja za poljoprivredu i prehrambenu industriju... Delegacija Komore u posjeti načelniku Općine Kalesija

Saradnja u okvirima ranije potpisanog Protokola o saradnji između Općine Kalesija i Kantonalne komore



Općinski načelnik Nermin Mujkanović, vršilac dužnosti sekretara Organa uprave Mirsad Halilović i savjetnik Sabahudin Sakić u radnu posjetu su primili Nedreta Kikanovića predsjednika Kantonalne privredne komore, sekretara Suada Selimovića i Dinu Kalesića portparola ove ustanove.

Tema sastanka bilo je upoznavanje sa aktivnostima koje provodi Kantonalna privredna komora Tuzla, ali i izazovima sa kojima se susreću u svome radu te pomoći koju mogu pružiti privrednim društvima kao i lokalnim zajednicama.

Nedret Kikanović predsjednik Kantonalne privredne komore Tuzla je načelnika i njegove saradnike upoznao sa ključnim segmentima ranije potpisanog Protokola o saradnji između Općine Kalesija i Kantonalne komore. Istakao je da je svih dosadašnjih godina saradnja bila na dobrom nivou što očekuje i u narednom periodu, a sve kako bi se pomoglo privrednicima, poljoprivrednicima i lokalnoj zajednici.

„Kantonalna privredna komora Tuzla svake godine organizira niz edukacija, sajmova i promocija što pruža mogućnost lokalnim zajednicama da svoje privredne potencijale predstave i da pokažu u suštini šta rade da unaprijede dolazak investicija, a samim tim i otvaranje novih radnih mjesta“, kazao je Kikanović.

Suad Selimović u svom izlaganju dotakao se privrede i poljoprivrede u Kalesiji istakavši da su u ovim oblastima veliki potencijali, posebno ako se u obzir uzme da je Kalesija u Tuzlanskom kantonu prva po proizvodnji mlijeka, dok je druga u Federaciji BiH. Selimović dalje ističe da lokalna zajednica u saradnji sa Kantonalnom privrednom komorom Tuzla u narednom periodu treba da radi na edukaciji poljoprivrednika, kako bi na vrijeme aplicirali prema određenim fondovima rekavši da su poljoprivrednici u prošloj godini od 15 miliona KM za poticaj i pomoć povukli svega 1,4 miliona KM, što je malo uzme li se u obzir broj grla i površina poljoprivrednog zemljišta na prostoru ove lokalne zajednice.

Na pomenutom sastanku bilo je riječi i o izradi projekta regulacije korita rijeke Spreče u saradnji sa Gradom Živinice, kako bi se stvorile količine vode za navodnjavanje poljoprivrednih parcela, a samim tim bi se spriječilo i plavljenje zasijanih parcela u vrijeme kada raste vodostaj Spreče i njenih pritoka.



Također bilo je riječi i o nasipanju puteva koji vode do poljoprivrednih parcela, gdje je načelnik Nermin Mujkanović obećao pomoć lokalne zajednice kao i pomoć u edukaciji poljoprivrednika kada je u pitanju prijava na određene javne pozive za finansijsku podršku.

U narednom periodu Kantonalna privredna komora će potencijale našeg kantona predstavljati na sajmovima u zemljama okruženja, gdje će i Kalesija naći svoje mjesto.

Ured za informisanje
Općine Kalesija



Press konferencija u Komori...

Poslovna očekivanja u 2025. godini

Predstavljeni rezultati ankete




Kao i prethodnih godina, Kantonalna privredna komora Tuzla je u januaru prikupljala podatke o izazovima u poslovanju i očekivanjima privrednika u Tuzlanskom kantonu za 2025. godinu. Kompletna analiza podataka dobijenih anketiranjem privrednika prezentovana su na konferenciji za medije u Komori.

Istraživanje se provodi po uzoru na istraživanja EuroChamber – Evropsko udruženje privrednih komora i ima za cilj prikupiti što više informacija iz poslovne zajednice. Kraj 2024. godine i početak 2025. donijeli su veliku neizvjesnost za poslove subjekte, posebno uzimajući u obzir rast cijene rada usljed odluke Vlade Federacije BiH o visini minimalne plate. Anketa je, kao i svake godine, obuhvatila privredne subjekte svih veličina, svih djelatnosti i sa područja cijelog kantona.

• Poslovanje kompanija u 2024. godini


Privrednici su 2024. godinu ocijenili uspješnom. 62% anketiranih je izjavilo da su ostvarili bolji poslovni rezultat nego prethodne godine. 44% anketiranih kompanija imalo je prihod veći od 5 miliona KM.

U odnosu na 2023. godinu, poslovni rezultat Vašeg preduzeća je:




Okolo polovine anketiranih kompanija, nisu izvoznici, ali kada su u pitanju izvoznici, uglavnom su orijentisani na zemlje Evropske Unije, ponajviše Njemačku, što će u 2025. godini sigurno biti jedan od faktora rizika, uzimajući u obzir poteškoće sa kojima se suočava njemačka privreda. Države Balkana, uključujući Hrvatsku, su drugi najveći vanjskotrgovinski partner kompanija iz Tuzlanskog kantona.

Vrijednost izvoza 2024. godini




Ostvarena dobit u 2024. godini



Opće stanje poslovanja u Bosni i Hercegovini u 2024. godini ocijenjeno je srednjom ocjenom 3 (ocjene 1-5). 68% anketiranih je izjavilo da su zadržali postojeće kupce, dok je 21% ispitanih kompanija pronašlo nekog novog kupca ili tržište. Također, 48% kompanija je moralo zaposliti dodatne uposlenike, dok je 18% anketiranih izjavilo da su morali smanjiti broj uposlenika.

Da li ste u 2024. godini imali velikih tržišnih promjena?



Ocjenjujući uticaj pojedinačnih faktora na svoje poslovanje, kompanije su prepoznale fiskalna i parafiskalna opterećenja i politički ambijent kao faktore koji najviše utiču na njihovo poslovanje, a slijede troškovi i nedostatak radne snage te cijene sirovina i repromaterijala. Osim visokih doprinosa i nedostatka radne snage, koji su identificirani kao najveći problemi sa



kojima se kompanije suočavaju u poslovanju, kompanije ističu i probleme nelojalne konkurencije, rad inspeksijskih organa ali i pad poslovne aktivnosti na evropskom tržištu.

• Očekivanja u 2025. godini

Na pitanje „Kakva su Vaša očekivanja za 2025. godinu?“, 68% anketiranih kompanija je izjavilo da očekuju pogoršanje uslova poslovanja, a kao ključne rizike u 2025. godini vide visoke doprinose i neprovođenje fiskalne reforme koji opterećuju cijenu rada, nedostatak radne snage i poremećaje na evropskim i svjetskim tržištima koji direktno utiču na smanjenje potražnje za proizvodima naših kompanija. Ističu se još i inflacija, nedovoljna zaštita domaće proizvodnje i politička situacija.

Kakva su Vaša očekivanja za 2025. godinu?




Shodno općim uslovima poslovanja, 53,6% anketiranih je izjavilo da u 2025. godini ne planira zapošljavati dodatne radnike. Također, 49% kompanija je izjavilo da neće investirati, od čega je 9% odustalo od planiranih investicija usljed rizika koje su prepoznali.

Mjera koja je prepoznata kao ključna, koja bi u ovom momentu najviše koristila poslovanju je smanjenje doprinosa i fiskalna reforma.

• Srednje stručno obrazovanje i privreda

Komora u prethodnom periodu intenzivno radi na unapređenju srednjeg stručnog obrazovanja u Tuzlanskom kantonu, s posebnim akcentom na unapređenje praktične nastave u poslovnim subjektima. S tim u vezi, kontinuirano se radi na animiranju što većeg broja poslovnih subjekata da obezbijede učenicima praktičnu nastavu u svojim kompanijama te da se obuče mentori, uposlenici kompanija, radi kvalitetnije realizacije učeničke prakse. S tim u vezi, 37% kompanija, koje do sada nisu učestvovala u realizaciji praktične nastave, izrazili su svoju zainteresovanost. Najveće interesovanje kompanija za realizaciju praktične nastave je za elektro, mašinsku i građevinsku struku, ali postoji zainteresovanost i za ostala zanimanja, ekonomskog, trgovačkog i uslužnog sektora. 44,6% zainteresovanih kompanija spremno je platiti naknadu učenicima za vrijeme obavljanja prakse, a dodatnih 38% je spremno nagraditi učenike koji se istaknu i pokažu interesovanje.

Da li učenici srednjih škola obavljaju praktičnu nastavu u Vašem preduzeću?



Prilikom ocjene kvaliteta realizacije praktične nastave u poslovnim subjektima, kompanije su ocjenjivale nekoliko faktora (loše – srednje – dobro). Tako su ozbiljnost učenika na praksi i angažman uposlenika kompanija ocjenjeni kao dobri, komunikacija sa školama i znanja i vještine koje učenici steknu su srednje do dobro, dok je prilagođenost nastavnih planova i programa potrebama prakse ocijenjeno srednje do loše, što ukazuje na potrebu modernizacije nastavnih planova i programa i praćenje savremenih tehnologija i načina rada. Među kompanijama koje nisu zainteresovane za realizaciju praktične nastave, kao glavni razlozi se navode nedostatak kadrovskih i/ili prostornih kapaciteta za prijem učenika i kvalitetnu realizaciju nastave, te problemi sigurnosti učenika na radnim mjestima. Shodno iznesenim mišljenjima i očekivanjima privrednika, može se zaključiti da se hitno moraju poduzeti sve mjere za stabilizaciju poslovnog ambijenta, a prije svega, započeti fiskalnu reformu u Federaciji BiH koja bi dugoročno rasteretila plate i osigurala dugoročnu održivost povećanja minimalne ali i svih ostalih plata koje moraju biti stimulišuće da bi se osigurao ostanak i privlačenje dodatne radne snage koja je identificirana kao drugi najveći problem u privredi. Također, nužno je ubrzati započete reforme koje se odnose na evidencije nezaposlenih i mogućnosti zapošljavanja stranaca. Privredi koja je suočena sa globalnim neizvjesnostima i promjenama, posebno padom proizvodnje u Njemačkoj kao glavnom izvoznom tržištu, potrebno je osigurati stabilnost unutrašnjih faktora, a prije svega rasterećenje troškova rada koji su u ovom momentu najveći u regionu. Također, potrebno je nastaviti reforme u srednjem obrazovanju, koje se prije svega odnose na više praktične nastave u poslovnim subjektima, uključujući i četverogodišnja (tehnička) zanimanja, što će omogućiti učenicima sticanje znanja i vještina na savremenoj opremi, u realnom radnom okruženju, a privredi omogućiti da od samog početka učestvuje u osiguranju kvaliteta svojih budućih uposlenika.

Ovim putem, želimo se zahvaliti svim kompanijama koje su uzele učešće u anketi.

Pripremila: Edina Kurtić,
rukovodilac Sektora Udruženja



Aktivnosti...

Posjeta JU Veterinarski zavod TK

Unaprjeđenje saradnje i podrška privrednim subjektima iz oblasti veterinarstva



Nedret Kikanović predsjednik Kantonalne privredne komore Tuzla posjetio je JU Veterinarski zavod Tuzlanskog kantona. Upriličen je sastanak sa Sajmom Huremović direktoricom Zavoda a razgovaralo se o mogućnostima unaprjeđenja saradnje i podrške privrednim subjektima iz oblasti veterinarstva. Akcenat je bio na onim subjektima koji djeluju u strateški važnim granama za naš kanton: mljekarstvu, peradarstvu i pčelarstvu.

Tuzlanski kanton se može pohvaliti razvijenim sektorom mljekarstva, sa velikim brojem farmi i proizvođača mlijeka koji osiguravaju kvalitetne sirovine za prerađivačku industriju. Veterinarski Zavod TK jedini na ovom području posjeduje laboratorij za kontrolu kvalitete sirovog mlijeka od čije analize ovisi i otkup mlijeka naših farmera. Samo na području Gradačca registrirano je 120 proizvođača mlijeka koji na godišnjem nivou proizvedu oko 3,7 miliona litara mlijeka, od kojih se 50% izveze iz BiH. U 2024. godini je zabilježen stabilan izvoz. Također, peradarstvo predstavlja jednu od ključnih grana u prehrambenom sektoru, dok je pčelarstvo izuzetno važno ne samo zbog proizvodnje meda i pčelinjih proizvoda, već i zbog uloge pčela u očuvanju ekosistema i poljoprivredne proizvodnje.

Na sastanku su razmatrani načini kako Veterinarski zavod TK može dodatno doprinijeti razvoju ovih sektora kroz:

- edukacije i stručnu podršku farmerima, mljekarima, pčelarima i njihovim udruženjima, kroz organizaciju radionica, seminara i individualnih savjetovanja,
- kontrolu zdravstvene ispravnosti mlijeka i mliječnih proizvoda, s ciljem očuvanja visokih standarda kvaliteta i sigurnosti u ishrani,
- monitoringe zoonoza i bolesti u peradarstvu, kako bi se osigurala stabilna i sigurna proizvodnja,
- laboratorijska ispitivanja meda i pčelinjih proizvoda, čime se podiže nivo kontrole kvaliteta i podržava izvoz na

tržišta sa strogim standardima i e) unaprjeđenje saradnje sa privrednim subjektima i institucijama, s ciljem zajedničkog rada na podizanju standarda u lancu prehrambene industrije i veterinarskoj kontroli.



JU Veterinarski zavod TK nastavlja da pruža stručnu i tehničku podršku svim proizvođačima i udruženjima, osiguravajući time zdravlje životinja, kvalitet hrane i sigurnost potrošača. Ovaj sastanak predstavlja važan korak ka još snažnijoj saradnji JU Veterinarski zavod Tuzlanskog kantona sa članicama Kantonalne privredne komore Tuzla i zajedničkom radu na unaprjeđenju ključnih privrednih grana našeg kantona kao što su proizvodnja mlijeka, pilećeg mesa i pčelarskih proizvoda. Zajedno gradimo sigurnu i održivu budućnost za naše poljoprivredne proizvođače!

Suad Selimović, sekretar Udruženja
za poljoprivredu i prehrambenu industriju



Seminar u Komori...

Carine, porijeklo i carinska tarifa u 2025. godini

Nova pravila preferencijalnog porijekla u 2025 godini -

Nova carinska tarifa za 2025 godinu i tarifne povlastice

CARINSKA TARIFA ZA 2025. GODINU IZMJENE, NOVOSTI, NOVE TARIFNE OZNAKE, BRISANE TARIFNE OZNAKE, NOVE TARIFNE KVOTE



Kantonalna privredna komora Tuzla organizovala jednodnevni seminar na temu: Carine, porijeklo i carinska tarifa u 2025 godini: Nova pravila preferencijalnog porijekla u 2025 godini - Nova carinska tarifa za 2025 godinu i tarifne povlastice. Kako je istaknuto na ovom izuzetno posjećenom skupu u Komori, primjena novih pravila preferencijalnog porijekla u PEM zoni je počela od 1. januara 2025. godine kada je stupila na snagu Odluka broj 1/2023 o izmjeni Regionalne konvencije o pan-evro-mediteranskim preferencijalnim pravilima porijekla Zajedničkog odbora PEM konvencije od 7. decembra 2023. godine. Nova pravila porijekla su jednostavnija i fleksibilnija prilike praktične primjene i pružaju veće mogućnosti za sticanje preferencijalnog porijekla u zemljama proizvođača finalnih proizvoda i partnerima u sporazumima o slobodnoj trgovini zemalja PEM Konvencije, među kojima je i Bosna i Hercegovina. Učesnici na seminaru su upoznati sa najvažnijim izmjenama u novim revidiranim pravilima porijekla u 2025. godini i pogodnostima za privrednike. Seminar je bio namijenjen privrednim subjektima proizvođačima i trgovcima u izvozu i uvozu robe, špediterima, prevoznicima i posrednicima u vanjskotrgovinskom prometu, ostalim licima koja se bave uvozom i izvozom roba i usluga, proizvođačima i obrtnicima, vlasnicima preduzeća i direktorima, pravnicima i pravnim zastupnicima, ekonomistima, računovodstvenim radnicima, knjigovođama, revizorima i svim onima koji učestvuju u carinskom poslovanju bez obzira da li uvoze ili izvoze robu. Predavač na seminaru bio je Jusić Nermin, magistar ekonomije, šef Grupe za tarifu, vrijednost i porijeklo robe u Upravi za indirektno-neizravno oporezivanje, Regionalni centar Tuzla, Odsjek za carinske poslove, dobitnik nagradne plakete WCO (Svjetske carinske organizacije). Na seminaru su, a na veliko zadovoljstvo polaznika seminaru, predočene najvažnije informacije vezane za novosti u 2025. godini i praktična primjena novih pravila kaoa što su:

- Tumačenje i primjena prelaznih aranžmana u 2025. godini
- Propusnost novih i starih pravila porijekla i veza između dvije kumulativne PEM zone
- Odluka 1/23 - revidirana pravila o porijeklu (primjena dodatka i regionalne konvencije o pan-evro-mediteranskim preferencijalnim pravilima o porijeklu)

- Odluka 1/24 - upotreba uvjerenja o kretanju robe izdatih elektronskim putem
- Odluka 2/24 - prelazne odredbe u izmjenama i dopunama regionalne konvencije o pan-evro-mediteranskim preferencijalnim pravilima o porijeklu robe koje će se primjenjivati od 1. januara 2025. godine
- Dokazi o porijeklu i njihovo obilježavanje u 2025. godini.
- Kumulacija porijekla (bilateralna, dijagonalna i puna kumulacija) – praktični primjeri i ograničenja
- Zabrana povrata ili oslobađanja od carine (praktični primjeri i ograničenja u 2025. godini, kako tretirati robu uvezenu prethodne godine).
- Nedovoljna obrada ili prerada (praktični primjeri i ograničenja)
- Posebna izuzeća od kumulacije, trgovina između EU i BiH, trgovina između republike turske i učesnica u procesu stabilizacije i pridruživanja s eu (praktični primjeri i ograničenja) – izuzeća u dodatku ii PEM konvencije
- Praktični primjeri podnošenja zahtjeva carinskim organima za izdavanje dokaza o porijeklu proizvoda porijeklom iz BiH
- Obavezujuća informacija o preferencijalnom porijeklu robe i ovlašteni izvoznik
- Izmjene u carinskoj tarifi BiH za 2025. godinu sa osvrtom na izmjene eu kombinovane nomenklature 2025
- Odluka o otvaranju privremenih tarifnih kvota pri uvozu mineralnih gnojiva u 2025. godini
- Privremena suspenzija i privremeno smanjenje carinskih stopa pri uvozu električnih, hibridnih i cng (plinskih) automobila
- Smanjenje i suspenzija carinskih stopa kod uvoza određenih roba do 31.12.2025.godine


D.K.



Najava sajmova u BiH...

23. sajam "List" Lukavac

Sajam turizma i ekologije od 8. do 10. maja



Zadovoljstvo nam je informisati Vas da će se tradicionalna turističko/privredna manifestacija Sajam „LIST“, održati u terminu od 8. do 10. maja 2025.god. u Lukavcu. Sajam će kao i uvijek obilovati raznovrsnim sajamskim sadržajima, koji svake godine pored redovnih dešavanja, promocije usluga, destinacija i proizvoda, prezentacije gastro ponude BiH, konferencija, brojnih seminara i stručnih predavanja iz oblasti turizma i ekologije, biti obogaćen i raznim takmičenjima i bogatim kulturno-zabavnim programom. Uz podršku najviših nivoa vlasti koji su prepoznali značaj LIST-a, manifestacije koja svojom prepoznatljivošću i ugledom doprinosi promociji naše zemlje, Lukavac će i ove godine zauzeti najomiljenije mjesto u kalendaru turističkih događaja, okupljanja turističkih radnika i posjetilaca u BiH. Za izlagače koji se prijave do 31. marta 2025. god. odobravamo 10% popust. Za više informacija molimo da nas kontaktirate putem e maila lukavacki_sajam@yahoo.de ili na telefon +387 63 391 827. Prijavni materijal možete preuzeti na linku https://www.lukavacki-sajam.com/Prijavni_materijal_2025_BA_KM.pdf

2. sajam kafe i čokolade u Tuzli

Degustacije najkvalitetnijih kafa i čokolada, majstorske radionice za pripremu kafe, 16-8.5.



Zadovoljstvo nam je najaviti 2. Međunarodni sajam kafe i čokolade u Tuzli, koji će se održati od 16. do 18. maja 2025. godine u Hrvatskom kulturnom centru »Sveti Franjo« u Tuzli. Vrijeme je promjena, vrijeme je izazova ali prije svega vrijeme je za porodicu i porodične vrijednosti. Zbog toga vas pozivamo da nam se pridružite i da zajedno ispričamo još jednu divnu sajamsku priču! Sajam će pružiti posjetiocima nezaboravan doživljaj, uključujući degustacije najkvalitetnijih kafa i čokolada, majstorske radionice za pripremu kafe, prezentacije renomiranih stručnjaka iz industrije, kao i kulturne događaje koji će obogatiti iskustvo svakog posjetioca. Realizacija sajma planirana je sa značajnim aktivnostima i popratnim manifestacijama, na sajmu. Za više informacija o Sajmu i prijavama, kontaktirajte nas na: e-maila: kafaicokolada@sajam.ba - Telefon: 061268390 Ne propustite priliku da budete dio ove jedinstvene manifestacije koja spaja ljubitelje kafe i čokolade iz svih krajeva svijeta

Sarajevo Industry Fair – SIF od 28. do 30 maja 2025.

Sajam će okupiti veliki broj kompanija iz svih segmenata industrije iz regiona i Europe



Tematika Sajma je cjelokupna industrija povezana sa građevinarstvom, mašinstvom, obnovljivim izvorima energije i metalnim sektorom.

Privredna/Gospodarska komora Federacije BiH, kao jedan od partnera sajma, poziva privredne subjekte da se predstave na jedinom specijaliziranom industrijskom sajmu, Međunarodnom industrijskom sajmu, sajmu građevinarstva, mašinstva i metalne industrije "SARAJEVO INDUSTRY FAIR – SIF", koji se održava u terminu od 28. do 30.5.2025. godine u Kongresnoj dvorani hotela HILLS u Sarajevu. Sarajevo kao privredni centar Bosne i Hercegovine nudi velike prednosti u odnosu na sve gradove i sajmove u BiH. Za period 2022. – 2027. godina planirana je izgradnja nekoliko velikih strateških projekata na prostoru Kantona Sarajevo, uz velike investicije u segmentu građevinarstva. Sajam kao tematiku ima cjelokupnu industriju koja je povezana sa građevinarstvom, mašinstvom, obnovljivim izvorima energije i metalnim sektorom, što znači da su potencijalni izlagači kompanije iz građevinarstva, mašinstva, mašina, alata, robota, metalne industrije, transportne industrije i industrije energetske efikasnosti i obnovljivih izvora energije. Međunarodni sajam SIF je prilika da prezentirate svoje proizvode i usluge potencijalnim kupcima na ovom specijalizovanom, dobro organiziranom, modernom i poslovno orijentisanom sajmu. Sajam će okupiti veliki broj kompanija iz svih segmenata industrije iz regiona i Europe. Koncept sajma je organizacija B2B sastanaka kao i B2C sastanaka na prostoru sajma, a plan je također organizirati uporedo i sajam zapošljavanja u branšama koje se pojavljuju na sajmu. Na sajmu će biti organizirani paneli te prezentacije nekoliko kompanija.

D.K.



Nastupi na sajmovima u regionu...

“Privreda TK” na 46. sajmu turizma u Beogradu

„Jedna karta, bezbroj svetova“



Na Beogradskom sajmu održan je 46. Međunarodni sajam turizma pod sloganom „Jedna karta, bezbroj svetova“ i 20. Međunarodni sajam hotelsko-ugostiteljske opreme Horeca-Oprema pod sloganom „Poslužite se“, koji su trajali četiri dana od 20. do 23. februara 2025.godine. U halama Beogradskog sajma učestvovalo je 400 izlagača iz Srbije i inostranstva. Među zemljama učesnica tradicionalno prisutnim i ove godine bile su, popularne i omiljene Grčka, Crna Gora, Tunis, Bugarska, Slovenija, Turska, Bosna i Hercegovina, Hrvatska, Mađarska, Kamerun, Gabon i dr. Ove godine zemlja partner Međunarodnog sajma turizma bila je Italija, koja je u Hali 1 imala paviljon i štand koji su bili posvećeni Sardiniji. Prvi put na Sajmu Turizma nastupile su Venecuela, Ekvador i Estonija. Turističke agencije, udruženja i organizacije, hoteli, turistički centri, transportne kompanije i međunarodni tur-operatori iskoristili su ovu jedinstvenu priliku za promociju usluga, destinacija i inovacija u svom radu.

Prilikom predstave svoje ponude, usluge i proizvode, firme članice Udruženja za turizam, ugostiteljstvo i trgovinu Kantonalne privredne komore Tuzla, imale su kroz tradicionalnu zajedničku sajamsku postavku pod nazivom “Privreda TK” koju organizuje Komora Tuzla. Na štandu koji je bio pozicioniran u hali 4 predstavljeni su: JKP “Pannonica” d.o.o. Tuzla, “MamaMia Origins Steak & Wine Restaurant” Tuzla, Hotel “Vidikovac” Divič - Zvornik, Hotel „Tehnograd“ Tuzla, turističke agencije “Golden tours” Tuzla i “Transturist” Tuzla, Lukavački sajam turizma “List”, Turistička organizacija grada Tuzla, Turistička zajednica Tuzlanskog kantona, „Cydonia“ Gradačac, “Ordinacija Balić” Tuzla, “Cofi” Kalesija, “Guber” Tuzla, hotel “Terme Ozren” Bosansko Petrovo Selo, hotel “Senad od Bosne” Lukavac, hotel “Vertigos” Tuzla, UG “Aktivus” Tuzla, te firme koje su članice Komore a nisu sa područja Tuzlanskog kantona “Kupres Milch” Kupres, “Juta torbice” Iliđa i Domaćinstvo “Đukarić” Teslić.



U istoj hali Beogradskog sajma u kojoj se predstavila “Privreda TK”, zabilježeno je najviše promotivnih aktivnosti. Predstavili su se brojni izlagači kroz nastupe Turističke organizacije Srbije (TOS), Turističke organizacije Beograd (TOB), Turističke organizacije Vojvodine (TOV), kao i mnogobrojnih lokalnih i regionalnih turističkih organizacija iz svih dijelova Srbije. Svi turistički aranžmani su u odnosu na prošlu godinu skuplji od 5 do 15%, ali popusti na aranžmane kretali su se i do 40% tokom trajanja sajma. Najčešći sajamski popusti za turističke aranžmane kretali su se između pet i sedam odsto, što znači da se popust od 5% ostvaruje avansnom uplatom aranžmana do 15. marta, a popust od 7% podrazumijeva da se cijeli iznos uplati do tog datuma. Posjetioци sajma pokazali su veliko interesovanje za aranžmane i sve druge usluge koje uključuju sajamske popuste, a među najtraženijim su banje i druge turističke destinacije u Srbiji, gradovi Italije-zemlje partnera, tradicionalno ljetovanja u Grčkoj i Turskoj, kao i letovi kompanije Air Serbia koja je na sajmu ponudila značajne popuste na aviokarte. Uz preko 32.000 posetilaca, ovogodišnji Sajam turizma obilježila je povećana poslovna posjeta sa rekordnim brojem zakazanih sastanaka. Za pohvaliti je i brojne aktivnosti koje su poduzimale naše članice, prvenstveno, “Kupres Milch” Kupres, “Juta torbice” Iliđa, Domaćinstvo “Đukarić” Teslić te turistička agencija “Golden tours” Tuzla koja je, sada već tradicionalno u Beogradu organizovala poslovne susrete sa svim svojim partnerima iz Beograda, Srbije, Turske i zemalja regiona.

Pripremio: Dino Kalesić



Iz Vlade Tuzlanskog kantona...

Podrška MSP-u u energetskej tranziciji

Prvi korak u konkretnoj tehničkoj i finansijskoj pomoći privredi na području Tuzlanskog kantona



Prezentacijom Strateškog okvira za energetskej tranziciju malih i srednjih preduzeća (MSP) načinjen je prvi korak u konkretnoj tehničkoj i finansijskoj pomoći privredi na području Tuzlanskog kantona. Strateški okvir izrađen je u okviru projekta „Pametna rješenja u energetskej tranziciji proizvodnih preduzeća“ - SMART STEP koji realizuju Vlada Tuzlanskog kantona i Centar za razvoj i podršku (CRP) Tuzla te Brodsko-posavska županija i Sveučilište u Slavskom Brodu iz Hrvatske.

Strateški okvir definiše smjernice za energetskej tranziciju MSP u Tuzlanskom kantonu i predstavlja osnovu za pružanje finansijske i tehničke podrške MSP-u u ostvarivanju ciljeva energetske tranzicije kako bi se, prema riječima ministra privrede TK Edina Durakovića, ublažila neblagovremena reakcija javnog sektora i izostanak edukacije privrednika kada je u pitanju energetskej tranzicija i plaćanje karbonske takse.

„Mi smatramo da smo vodeći kanton u samoj Federaciji jer je mnogo privrednika izvozno orijentisano a posebno iz metaloprerađivačke, drvne i proizvodnje i prerade plastike. Iz tog razloga smatramo da će im pomoći ovaj strateški okvir energetskej tranzicije za mikro, mala i srednja preduzeća Tuzlanskog kantona, odnosno da će ih educirati i da će im biti na raspolaganju što se tiče i svih energetskej audita koji su evo ove godine na dobrovoljnoj bazi a od 1.1.26. oni će biti obavezni“, kazao je ministar Duraković.

Budući da Bosna i Hercegovina nema uveden sistem oporezivanja CO₂, koji je kompatibilan sa sistemom Evropske unije, robe koje podliježu prekograničnoj taksi na CO₂ bit će dodatno oporezovane pri izvozu što može ozbiljno ugroziti konkurentnost naših privrednika na EU tržištu.

Prema riječima Edina Zahirovića iz Centra za razvoj i podršku, nakon ovog koraka slijedi izrada konkretnih mjera.

„Te mjere će u stvari biti pomoć malim i srednjim preduzećima da osiguraju svoju energetskej neovisnost, da budu stabilniji, da imaju niže troškove i da se susretnu sa izazovima koji su vezani pogotovo na izlazna preduzeća oko naplate CO₂ taksi. S obzirom da se u okviru Ministarstva privrede i Vlade Tuzlanskog kantona vrlo često ili godišnje realizuje program podrške malim i srednjim preduzećima nama je ideja da jedan od tih lotova, jedan od tih poziva, bude isključivo namijenjen za energetskej tranziciju. Što hoće reći, zamjena sistema grijanja, fotonaponskih sistemi, utopljanje zgrada, optimizacija poslovnih procesa, nove tehnologije itd“, kazao je ovom prilikom Zahirović.



Ministarstvo privrede TK je, kako bi pomoglo privrednicima da ostanu konkurentni sa evropskim proizvođačima, željelo sinhronizovati javni, privatni i obrazovni sektor.

Jedna od doprinosa koji daje Mašinsti fakultet i Univerzitet u Tuzli je, prema riječima dekana Alena Topčića, implementacija centra za energetskej tranziciju koji će biti instaliran u Kampusu Univerziteta u Tuzli.

„Ono što je činjenica je da su mala i srednja preduzeća okosnica razvoja Tuzlanskog a strateški okvir energetskej tranzicije u principu predstavlja sredstvo ili alat da mala i srednja preduzeća u dogledno vrijeme implementacijom koraka koji su ovdje navedeni povećaju svoju konkurentnost i kompetitivnost na globalnom tržištu a samim tim i unaprijede životni standard na ovome kantonu.“

Centar će svoje intelektualne i materijalne kapacitete staviti na raspolaganje malim i srednjim preduzećima u cilju podrške u energetskej tranziciji, rečeno ovom prilikom.

Odjeljenje za informisanje
Vlade Tuzlanskog kantona



Nove članice Komore...

Zavod „Nalaz“ Tuzla

Lider u laboratorijskoj dijagnostici, nauci i inovacijama



Zavod Nalaz već petnaest godina postavlja standarde u laboratorijskoj dijagnostici u Bosni i Hercegovini. Sa bogatim iskustvom u mikrobiologiji, biohemiji, imunologiji, hematologiji i molekularnoj dijagnostici, Zavod nije samo mjesto preciznih laboratorijskih analiza, već i institucija posvećena naučno-istraživačkom radu i inovacijama u medicini. Jedan od ključnih aspekata našeg rada jeste stalno preispitivanje nalaza i dublje istraživanje uzroka bolesti. Ova naučna dimenzija Zavoda Nalaz čini nas ne samo dijagnostičkom laboratorijom, već i centrom znanja i razvoja. Naš rad uključuje blisku saradnju sa domaćim i međunarodnim institucijama, a multidisciplinarni tim stručnjaka iz oblasti medicine, laboratorijske dijagnostike, bioinformatike i geo-informatike omogućava nam da povežemo dijagnostiku sa savremenim tehnološkim rješenjima.

• Doprinos u borbi protiv COVID-19

Tokom pandemije COVID-19, Zavod Nalaz dao je izuzetno značajan doprinos u razumijevanju i praćenju širenja virusa. U saradnji sa stručnjacima iz različitih naučnih oblasti, razvili smo platformu za prostorno-vremensko praćenje infekcija i predviđanje epidemijских talasa, koja je pomogla u donošenju strateških odluka u borbi protiv pandemije.

Osim toga, izolovali smo virus SARS-CoV-2 i analizirali faktore koji utiču na različitu osjetljivost pojedinaca na infekciju, istražujući zašto se neki članovi porodica razbolijevaju, dok drugi ostaju zdravi. Također, bavili smo se pitanjem prenosivosti virusa između domaćih životinja i ljudi, što je ključno za razumijevanje zoonotskih bolesti i prevenciju budućih pandemija. Naš rad u ovom periodu dodatno je potvrdio važnost naučno zasnovane dijagnostike i multidisciplinarnog pristupa, omogućavajući da laboratorijska istraživanja imaju direktan uticaj na zaštitu javnog zdravlja.

• Dostupna i prilagođena zdravstvena usluga

Zavod Nalaz prepoznaje važnost pristupačnosti zdravstvenih usluga i kontinuirano radi na približavanju laboratorijske

dijagnostike svim korisnicima. Naše mobilne ekipe odlaze u domove starijih, teško bolesnih i svih onih koji iz različitih razloga ne mogu doći u laboratorij, pružajući im kompletnu laboratorijsku uslugu u kućnim uslovima. Također, svjesni potreba zaposlenih, organizujemo dolaske u radne kolektive, omogućavajući radnicima da obave neophodne pretrage bez prekida radnog vremena. Na taj način, laboratorijske analize postaju dostupnije, a korisnici dobijaju pravovremene i pouzdane rezultate bez odlaska u zdravstvene ustanove. Ovim pristupom Zavod Nalaz povezuje pacijente i laboratorijske usluge na najpraktičniji i najugodniji način, osiguravajući brzu i prilagođenu dijagnostiku za sve.

• Tehnologija i stručnost na prvom mjestu

Naša posvećenost preciznosti i tačnosti ogleđa se u korištenju najsavremenije laboratorijske tehnologije i dijagnostičkih metoda. Ipak, Zavod Nalaz nije samo tehnološki napredan centar, jer mi pristupamo svakom pacijentu individualno, nudeći stručno savjetovanje, interpretaciju nalaza i zaštitu ličnih podataka na najvišem nivou. Ljudski resursi su naša najveća snaga. U Zavodu su zaposleni doktori medicine u stalnom radnom odnosu, uključujući tri specijalista mikrobiologije sa subspecializacijama iz virusologije, bakteriologije, mikologije i parazitologije. Pored njih, naš tim čine biohemičari, inženjeri laboratorijske dijagnostike, tehničari i drugi stručnjaci, koji zajedno garantuju vrhunski kvalitet usluga. Zavod Nalaz nije samo laboratorija - to je institucija koja spaja nauku, dijagnostiku i inovacije, neprestano podižući standarde u laboratorijskoj medicini i pružajući pacijentima najpouzdanije informacije o njihovom zdravlju.

• Poziv na saradnju –

Vaše zdravlje u sigurnim rukama

Zavod Nalaz pruža sigurne, pouzdane i provjerene laboratorijske pretrage, osiguravajući vrhunski kvalitet, preciznost i stručnu interpretaciju rezultata. Naš cilj je približiti dijagnostiku svima, bilo kroz saradnju s poslodavcima, koji mogu omogućiti svojim zaposlenima jednostavan pristup laboratorijskim analizama, ili direktno građanima, koji mogu sami doći i obaviti potrebne pretrage u našim poslovnicama.

Pozivamo javne i privatne institucije, poslodavce i sve građane da nam se pridruže u misiji očuvanja zdravlja. Ne zanemarujte svoje zdravlje! Dođite u NALAZ po vaš nalaz!

KONTAKTI: Adrese naših poslovnica:

Sarajevo: Hasana Brkića 2., Shopping centar Grbavica; Čekaluša 69.

Tuzla: Mehmedalije Maka Dizdara 33. i 35., Stupine

Kontakt telefoni:

Sarajevo: 033 651-371; 033 550-255,


Tuzla: 035 257-474,

E-mail: info@nalaz.org nalaz@nalaz.org tuzla@nalaz.org,

Web stranica: <http://www.nalaz.org/v2/>,

Facebook: <https://www.facebook.com/labnalaz>,

Instagram: https://www.instagram.com/nalaz_lab/





W-N Corporation- Marketing agencija Tuzla

MARKETING AGENCIJA

W-N CORPORATION
VAŠ PARTNER
ZA USPJEH!

- CONTENT MARKETING I COPYWRITING ▪
- VOĐENJE DRUŠTVENIH MREŽA ▪
- IZRADA I DIZAJN VIDEO SADRŽAJA ▪
- OGLAŠAVANJE NA LED DISPLEJU ▪
- GRAFIČKI DIZAJN ▪

W-N Corporation - VAŠ partner u marketingu
Kontaktirajte nas danas i kreirajmo personalizovanu
ponudu koja odgovara vašim potrebama

E-MAIL : info@w-ncorporation.com

TELEFON : +387 61 13 23 13

Posjetite nas na
www.w-ncorporation.com

W-N Corporation je mlada i dinamična marketing agencija smještena u Tuzli, koja nudi inovativna rješenja za sve vrste poslovanja. Sa timom koji je posvećen detaljima i kreativnosti, agencija pruža personalizovane marketinške strategije koje donose stvarne rezultate. W-N Corporation se ističe svojim sveobuhvatnim pristupom koji omogućava brendovima da se istaknu i postignu značajan rast na tržištu. Usluge koje W-N Corporation nudi uključuju:

Oglašavanje na LED Displeju – Kroz vrhunsko digitalno oglašavanje na LED displeju, W-N Corporation omogućava brendovima da privuku pažnju. LED Displej se nalazi u Tuzli, na Brčanskoj Malti, a svojom lokacijom i ukupnom reklamnom površinom od 13,92 kvadratna metra, garantuje vidljivost reklamnog sadržaja i uspješnost kampanje. Grafički dizajn – W-N Corporation nudi kreativne i profesionalne dizajnerske usluge. Od kreiranja logotipa do dizajniranja brošura, plakata i drugih promotivnih materijala, agencija osigurava da svaki vizualni element bude u skladu sa identitetom brenda i poslovnim ciljevima. Vođenje društvenih mreža – W-N Corporation pruža uslugu vođenja društvenih mreža, uključujući kreiranje strategija na platformama poput Facebooka i Instagrama.

Izrada video sadržaja za društvene mreže i LED displeje – W-N Corporation kreira visokokvalitetne video sadržaje koji su idealni za društvene mreže i reklamne displeje. W-N Corporation prepoznaje važnost kreiranja snažnog identiteta za brendove i nudi kompletna marketinška rješenja koja uključuju najnovije tehnologije i kreativne pristupe. Tim agencije se posvećuje svakom klijentu, nudeći rješenja koja su prilagođena njihovim potrebama i specifičnostima tržišta. Svi projekti su pažljivo osmišljeni kako bi donijeli mjerljive rezultate i omogućili brendovima da se istaknu među konkurencijom. Bilo da je riječ o malim preduzećima koja tek počinju ili već etabliranim brendovima koji žele unaprijediti svoje marketinške aktivnosti, W-N Corporation je partner koji će im pomoći da ostvare svoje ciljeve. Kontaktirajte W-N Corporation i otkrijte kako njihova ekspertiza može unaprijediti vašu marketinšku strategiju. Kontakt:

Web: www.w-n.ba, Email: info@w-n.ba, Tel: 387 61 13 23 13.

Zdravstvena ustanova “Spitex” Bijeljina

Naša snaga su znanje i iskustvo

POSEBNA
PONUDA

14 dana
paket
samo
999,-

INTENZIVNA REHABILITACIJA NAKON
OPERACIJE KUKA U KLINICI SPITEX

- Nadzor dr. specijaliste Fizijatra
- Individualni fizikalni tretmani
- Magnetna terapija za brže zarastanje operativne rane
- Struje, TENS, terapija bola
- Zdravstvena njega, previjanje
- Vađenje konaca
- Ishrana (doručak, ručak, večera)
- 24h medicinski nadzor

REZERVIŠI SADA
055 415 719

ZDRAVSTVENA USTANOVA SPITEX
LJESKOVAC 12b, BIJE LJINA

Privatna bolnička ustanova za palijativnu njegu bolesnih od neizlječivih bolesti, rehabilitaciju nakon moždanog udara i operacija. Stručan i edukovan tim ljekara specijalista, medicinskih sestara, fizioterapeuta i psihoterapeuta se svakodnevno brine o pacijentima. Zdravstvena ustanova SPITEX na 1.000 kvadratnih metara posjeduje smještajne kapacitete za 45 do 50 pacijenata, ordinacije, veliku fizikalnu salu za vježbe, veliki dnevni boravak, posebne kupatone za nepokretne pacijente, vlastitu kuhinju i trpezariju. Sve bolničke sobe su opremljene sa tv-om, klimom i signalom za Wi-Fi. “Pružanje podrške umirućem u palijativnoj njezi uvijek je zahtjevna, zamorna i često iscrpljujuća zadaća, ali je i nešto najdragocjenije što jedno ljudsko biće može pružiti drugome”, ističe .

Danijel Pendić direktor ustanove. Zdravstvena ustanova SPITEX vrši sve usluge zdravstvene i palijativne njege sa SPITEX mobilnim timovima u Vašem domu. Pregled pacijenta, davanje infuzija, previjanje, njega rana, terapija bola, zamjena katetera i stoma, presvlačenje i nadzor pacijenata.

Takođe, moguće je organizovati sanitetski prevoz iz drugih ustanova do ustanove Spitex i u inostranstvo. “Naša snaga su znanje i iskustvo. Kvalitet usluge i rada započinje sa kadrom i iskustvom rukovodilaca službi. Ponosni smo na naše ljekare: Mira Vuković načelnica Zdravstvene ustanove doktor medicine, prim. dr Momir Crnić specijalista anesteziologije i reanimatologije, prim. dr Mijan Simikić specijalista interne medicine, svojim radom i iskustvom garantuju najbolju moguću zdravstvenu uslugu palijativne njege i terapije bola”, ističe direktor Pendić.

D.K.



Iz firme članica Komore...

Otvoren novi proizvodni pogon kompanije Lović & Co

Investicija u proizvodnju metalnih ormara i građevinskih limova



- Sistem za upucavanje vijaka, ključan za dodatnu funkcionalnost i trajnost proizvoda.
- Peć za praškasto farbanje, koja pruža vrhunsku zaštitu od korozije i estetski završetak.

Otvaranje ovog proizvodnog pogona dodatno pozicionira Lović & Co kao lidera u proizvodnji metalnih ormara, građevinskih limova i drugih proizvoda od metala. Ovaj novi objekt nije samo dodatni prostor za proizvodnju – on je temelj za daljnji rast i inovacije. Zahvaljujući investiciji od skoro milion KM, kompanija Lović & Co osigurava svojim klijentima najviši nivo kvaliteta, uz bržu i pouzdaniju uslugu.

Šta ovaj projekat znači za naše klijente?

U izgradnju i opremanje ovog proizvodnog pogona uloženo je blizu milion KM, što predstavlja jedno od najvećih ulaganja kompanije u posljednjih nekoliko godina. Cilj ove investicije je pružanje još kvalitetnijih proizvoda i usluga, kako za domaće tako i za međunarodno tržište. Novi proizvodni pogon obuhvata niz tehnološki naprednih mašina, uključujući:

- Mašinu za lasersko rezanje lima, koja omogućava izuzetnu preciznost i bržu obradu.
- Savremenu mašinu za savijanje, koja obezbjeđuje fleksibilnost i tačnost u obradi metalnih elemenata.

- Veći kapacitet proizvodnje za metalne ormare i građevinske limove.
- Kraće rokove isporuke uz povećanu efikasnost.
- Još bolji kvalitet proizvoda, zahvaljujući savremenoj tehnologiji i kontrolisanim procesima.

Lović & Co je sinonim za pouzdanost, kvalitet i inovacije. Naša posvećenost stalnom razvoju osigurava da i dalje ostanemo prvi izbor za sve koji traže vrhunske metalne proizvode.

Ohrabrujući podaci o proizvodnji slane vode

Preostale industrijske rezerve ležišta Tetima iznose 30,443.356,61 tona



U periodu januar-novembar 2024. godine u odnosu na plan prema kupcima, obim realizacije proizvodnji slane vode u Tuzlanskom kantonu bio je manji za 107.857 m³ ili za 3,41 posto.

To je ohrabrujuća činjenica imajući u vidu da se radi o izvještaju za prvih jedanaest mjeseci, navodi Vlada Tuzlanskog kantona.

U 2023. godini kupci Sisecam Soda doo Lukavac i Solana dd Tuzla su preuzeli nešto veće količine slanice, i to Soda Sisecam 51.880m³ ili 1,76% više, a Solana 85.520m³ ili 16.36% više. JKP Pannonica je preuzela nešto manje količine slanice, odnosno 5.606 m³ ili 44.41% manje.

Preostale industrijske rezerve ležišta Tetima sa stanjem 30.11.2024. godine iznose 30.443.356,61 tona soli ili 98.204.376,16 m³ slane vode ukupne mineralizacije 310 kg/m³.

Slane voda je osnova za razvoj hemijske industrije u Tuzlanskom kantonu.

D.K.



Adaptirani Regionalni centar u Tuzli...

Regionalni centar Sparkasse Banke u Tuzli u novom izdanju

Svečanosti su prisustvovali brojni predstavnici institucija, partneri i klijenti banke, a gradonačelnik Tuzle Zijad Lugavić je u svom obraćanju zvaničama izrazio podršku i istakao značaj ovog ulaganja za razvoj lokalne zajednice



Sparkasse Banka je svečano obilježila otvaranje adaptiranog Regionalnog centra u Tuzli. Prostor od 650 kvadratnih metara je u potpunosti prilagođen savremenim bankarskim standardima i principima održive gradnje. Novi ambijent donosi poboljšano korisničko iskustvo za građane i kompanije iz regije Tuzla, spaja trendove digitalizacije sa vrhunskim kvalitetom lične usluge, a istovremeno potvrđuje strategiju razvoja ove banke. Svečanosti su prisustvovali brojni predstavnici institucija, partneri i klijenti banke, a gradonačelnik Tuzle Zijad Lugavić je u svom obraćanju zvaničama izrazio podršku i istakao značaj ovog ulaganja za razvoj lokalne zajednice.

Predsjednik Uprave Sparkasse Banke Amir Softić se zvaničama zahvalio na povjerenju u Sparkasse brand koji u ovoj godini obilježava 200 godina postojanja, ističući i odgovornost koju ta tradicija nosi sa sobom te posvećenost tima Sparkasse Banke u BiH da nastavi graditi finansijsko zdravlje svojih klijenata i zajednica u kojima radi. Naglasio je da regionalni centar Tuzla, koji pokriva šest gradova u ovoj regiji, izrazito važan za ovu banku i da ostaje opredijeljena da snažno podržava njene građane i privredu kako je to činila i do sada. Sa novo-uređenim regionalnim centrom Tuzla, Sparkasse banka nastavlja sa implementacijom novog koncepta „poslovnica budućnosti“ koji spaja digitalne servise, savjetodavnu podršku i personalizirane finansijske usluge, dok održiva gradnja i energetska efikasnost doprinose prilagođavanju poslovanja potrebama budućnosti. Regionalni centar u Tuzli sada nudi napredne digitalne usluge, modernizovane prostore za savjetovanje i podršku klijentima, bilo da su u pitanju građani, mala i srednja preduzeća ili velike kompanije. Kroz ovaj model rada, banka pruža efikasnije, brže i dostupnije finansijske usluge, istovremeno smanjujući ekološki otisak. Otvaranje Regionalnog centra bila je i povod za obilježavanje još jednog partnerstva sa kojim ova banka želi podržati razvoj i socijalno osnaživanje lokalne zajednice te je na događaju uručena donacija Udruženju “Dom za djecu bez roditeljskog staranja” u Tuzli, omogućivši djeci odlazak na školu plivanja na moru.

Gradonačelnik Tuzle, dr. sc. Zijad Lugavić, pozdravio je ovu inicijativu i istakao važnost saradnje između finansijskog sektora i lokalne zajednice:

“Ovakvi projekti ne samo da unapređuju poslovnu infrastrukturu grada Tuzle, već doprinose ekonomskom razvoju i pružaju građanima savremenije i dostupnije finansijske usluge. Važno je da institucije poput Sparkasse banke prepoznaju potrebe zajednice i aktivno doprinose njenom razvoju”.



Kako bi obilježila početak rada u novom prostoru, Sparkasse banka je za nove klijente pripremila posebnu akciju – svi koji do kraja mjeseca otvore račun dobit će 100 KM na Mastercard GOLD kartici, koja kao premium kartica Sparkasse kartične palete nudi brojne pogodnosti.

fokus.ba



Led display na zgradi Komore...

NOVA USLUGA ČLANICAMA I FIRMAMA U TK



Poštovani, Led digitalno oglašavanje, u poređenju s tradicionalnim medijima oglašavanja, poput billboarda, čijeg se sadržaja jedva sjeti manji od 40 posto gledatelja, u zadnje vrijeme ima velike prednosti. Osim mogućnosti višestrukog reklamiranja jednog oglašivača na istom mediju, dokazano je da su pokretne reklamne poruke daleko više privlačnije nego statične reklame. Obavještavamo vas da je Kantonalna privredna komora Tuzla u prilici ponuditi vam oglašavanje na našem led displayu po povoljnim uslovima.

**POSTANITE PARTNER
KANTONALNE PRIVREDNE KOMORE TUZLA!!!**

**OGLASITE SE NA NAŠEM
LED DISPLAY PROSTORU!!!**

**ISKORISTITI IZUZETNO POVOLJNE GODIŠNJE I
ŠESTOMJESEČNE PONUDE!!!**

**POSEBNE POGODNOSTI ZA FIRME ČLANICE
KOMORE!!!**

**Kantonalna privredna komora Tuzla
tel: 035/369-550
mail: komora@kpktz.ba**

POSJETITE NAS! DOĐITE DA SE DOGOVORIMO!!!



Iznajmljivanje kancelarijskog prostora u Komori

Kantonalna privredna komora Tuzla objavljuje izdavanje kancelarijskog prostora. Riječ je o tri kancelarije površine po 14 metara kvadratnih, na drugom spratu zgrade Komore, Trg slobode bb. Više informacija u Komori ili na telefon sa broja: 035/369-550 ili putem maila komora@kpktz.ba.

**PROSTOR ZA
VAŠU REKLAMU
JE**

**LED
DISPLAY
KOMORE**

**VIŠE INFORMACIJA NA
komora@kpktz.ba
ili
035/369-550**